

la Signoria de li ducati 15 milia dati a l'orator suo etc.

Da Corfù, di sier Hironimo Contarini, provedador di l'armada. Zercha quelle fabriche, et de occurentiis; e resta *solum* con . . . galie; et che 'l ducha de Niehsia à armato una galia sotil, per seguitar corsari sono in l'Arzipielago.

Dil Zante, di sier Donà da Leze, provedador. Come era zonto a Chiarenza uno navilio de' mori, da Zerbi, con uno orator, va al tureho a dimandarli ajuto contra Spagna; et voleno tuor Camalli per l'oro capo, qual à fato molti danni in la Cicilia. *Item*, come è ritornati alcuni calafadi di Corron, stati a condur le galie a Constantinopoli, ch'è signal, il turco non fa armata, comme fo ditto. *Item*, di certe artilarie, et altri instrumenti bellici, qual à
126* inteso esser stà levate di la Morea, e mandate in la Natalia, per dubito di Sophi, qual vien potentissimo contra turchi, et à 'uto victoria contra Aliduli etc.

Da Constantinopoli, di sier Lunardo Bembo, baylo, di 28 octubrio. Come il turco non fa più conzar la sua armata, come il feva, per andar contra Rodi. *Item*, atende, che si dice Sophi li vien adosso etc.

Fu posto, per li consieri, certa taja a uno cavalaro de Vicenza, portava ducati 260 in questa terra, *ut in ea*.

Fu posto, per il colegio, scriver a l'orator in corte, per uno fiol de sier Alvise Barbaro, *quondam* sier Lunardo, per ducati 300, di beneficij li primi vachanti in le nostre terre; non fu presa.

Fu posto, per li savij, condur, in loco di domino Cabriel Zerbi, defuncto, a la lectura ordinaria di medesina a Padoa, domino Antonio di Faenza, con fiorini 400 a l'anno; et fu presa. È doctor excellentissimo, *tamen* diventò mato, et horra è risanato.

Fono electi 3 savij dil consejo ordinarij: sier Alvixe da Molim, fo savio dil consejo, venuto podestà di Padoa, sier Andrea Venier, fo savio dil consejo, et sier Lunardo Mozenigo, fo podestà a Padoa, *quondam* serenissimo, nuovo, da sier Piero Duodo, fo savio dil consejo, di una balota. *Item*, sier Nicolò Michiel, procurator, et sier Domenego Marin, procurator, stati altre fiata, cazeteno. *Item*, 3 savij di terra ferma, vechij: sier Piero Marzello, venuto di Faenza, sier Hironimo Querini, et sier Zacaria Contarini, el cavalier; soto sier Tadio Contarini, è di pregadi, *quondam* sier Andrea, procurator.

A dì 30. Fo consejo di X. Fato li capi, per il mexe di zener: sier Piero Duodo e sier Piero Cappello et sier Andrea Loredam.

A dì 31, fo San Silvestro. Fo gran consejo.

A dì 30. Fo terminado, per la Signoria, che li provedadori sora le pompe posino mitigar le condanason fate contra 4, qualli hanno le l'oro done contrafatto a la leze; et cussi fo balotà in colegio. Ave 9 di sì, 4 di no, *videlicet* sier Alvise Soranzo, *quondam* sier Vetur, sier Alvise Mocenigo, *quondam* sier Tomado, sier Hironimo Bembo, *quondam* sier Lorenzo, et Anzola da Pexaro, qual era una meretrice richa, chiamata Anzola Caga in cale.

Dil mexe di zener 1505.

127

A dì primo. Da poi disnar non fo 0, per esser el dì di anno novo. In chiesa a San Marco, a messa, fo el principe et oratori. Introno savij dil consejo: sier Andrea Venier, sier Lunardo Mozenigo et sier Alvixe da Molin; et di terra ferma: sier Hironimo Querini, et sier Zacaria Contarini, el cavalier, era amalato, pur vol intrar, et sier Piero Marzello.

A dì 2. Da poi disnar fo colegio di le aque. Et fato uno savio sora le aque, in loco di sier Zorzi Emo compiva, sier Piero Marzello, *quondam* sier Jacomo Antonio, el cavalier, et do dil colegio di sora le aque, che manchava, sier Zorzi Emo et sier Zuan Bragadin; et cussi sier Piero Marzello, havendo questo seudo im brazo di non pagar pena, renunciò avogador di comun, che era stà electo.

Di Bergamo. Si ave di la morte di sier Marco Lippomano, el cavalier, podestà, *ergo* doy potestadi a Bergamo in breve sono morti, *videlicet* sier Zuan Batista Foscarini, et questo sier Marco Lipomano; fo poi electo sier Michiel Navajer.

A dì 3. La matina si reduse la quarantia eriminal, con missier e consieri, et fo, per sier Francesco Orio, avogador, a chi tochè tal sorte, menato sier Antonio di Mezo, fo exator a le cazude, qual havia robato assa' danari di la Signoria nostra, et si havia absentato; fu preso di retenerlo et proclamarlo. *Item*, sier Zorzi Pixani, dotor et cavalier, avogador, menò sier Vincenzo Magno, conte a Pago, di sier Piero, el qual, per molte insolentie etc. fate in ditta ixola, *ut in processu*, fo preso di mandarlo a tuor a le prexom; et cussi fo facto, restando vice conte sier Nicolò Tiepolo, era camerlengo de li.

A dì 4. Fo gran consejo. Et nota, sier Piero Duodo, cao di X, andò a la Signoria, eridando era stà trovà la partida manchava, quando lui fo cassier etc., *videlicet* che sier Hironimo Venier, official a la chamera d'imprestidi, havia in boletini, li Lipomani pagò dicti danari per le sue decime e ave il